



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-22-5-343/15

Datum: 13.02.2015. godine

OPĆINSKO VIJEĆE

INFORMACIJA

o razvoju i iskorištavanju turističkih potencijala
i radu Turističke zajednice-Ured u Tešnju

Ocjenjujući turizam kao oblast od interesa za ukupni privredni razvoj, Općina Tešanj se opredjelila da poduzme određene aktivnosti i mjere za poboljšanje stanja u turizmu, odnosno stvaranju uslova za razvoj ove oblasti. Posljednih godina poduzeto je niz mjera i aktivnosti za unapređenje turističkih resursa a prije svega treba istaći slijedeće:

- zbog svog značaja Stari grad-Gradina je u julu 2003. godine odlukom Komisije za očuvanje nacionalnih spomenika proglašen nacionalnim spomenikom. Posljednih godina značajna su ulaganja u sanaciju i uređenje Gradine tako da su sanirani obrušeni zidovi, unutrašnjost Krnje kule, izvršeni radovi uređenja Dizdareve kule, obnovljene su puškarnice, staze prema Kuli, izgrađena je vanjska rasvjeta, mokri čvor i drugo, a započeti su i radovi rekonstrukcije i uređenja prilaza Gradini. Radovi na Gradini su konstantni, a planiran je nastavak radova na uređenju prilaza i sanaciji oštećenih dijelova. Stari grad-Gradina je nezaobilazna destinacija za sve turiste koji dođu u Tešanj, a u ljetnom periodu na platou-ljetnoj bašti se održavaju različite kulturne manifestacije.

- Gornja čaršija se razvila oko tvrđave, odnosno u njenom podnožju, i veoma rano postala je središte privrednog i kulturnog života Tešnja. Nekad je bila zanatski i tržni centar, međutim danas ima malo tradicionalnih zanatlija a vlasnici objekata obnavljaju fasade i nastoje ih očuvati prema Planu revitalizacije, također je nužna i obnova glavnog kolnika kao što je nedavno obnovljen trg na Gornjoj čaršiji.

- Općina Tešanj je otkupila u orunulom stanju objekat Eminagića kuća, a odlukom Komisije za očuvanje nacionalnih spomenika u julu 2005. godine Eminagića konak je proglašen nacionalnim spomenikom, i u cilju privođenja ovog objekta konačnoj namjeni, realizovan je projekat rekonstrukcije i restauracije Eminagića kuće. Eminagića konak je jedan od tri depandansa JU Muzej Tešanj, a u prizemnom dijelu konaka nalazi se sedam prostorija u kojima se održavaju razne kulturne manifestacije.

- Čaršijska (Gazi Ferhad-begova) džamija je u januaru mjesecu 2007. godine odlukom Komisije za očuvanje nacionalnih spomenika proglašena nacionalnim spomenikom. Realizovani su radovi rekonstrukcije Čaršijske džamije (nije završena munara i dekoracija unutrašnjih zidova).

- u groblju Obješenica, nalazi se Mezar pjesnika Muse Ćazima Ćatića, kulturno-historijski spomenik na kojem su izvršeni radovi sanacije.

- realizacijom projekta Musalla u Tešnju, izvršeno je saniranje Musalle-Mihraba.

- u cilju planske izgradnje, uređenja, korištenja i zaštite lokaliteta Kiseljak, u 2010. godini donijeta je Odluka o provođenju Regulacionog plana Turističko-rekreacione zone „Kiseljak“. U cilju realizacije plana **objavljivana je javni poziv**, međutim nije bilo iskazanog interesa od strane fizičkog ili pravnog lica za investiranje i uređenje ove turističko-rekreacione zone. Kiseljak, nekad poznato izletišta, danas je slabo iskorišteno kao turistički potencijal a dva objekta koristi Odred izviđača „Crni vrh“ i u toku godine organizuju kampovanje, takmičenja i druženja okupljajući izviđače iz BiH i regiona.
- na rijeci Usori, prirodnom turističkom potencijalu bogatom ribom, Sportsko ribolovno društvo „Jelah-Tešanj“ na uređenim ribolovnim stazama organizuje takmičenja u ribolovu uz učešće ekipa iz BiH i susjednih zemalja promovišući i ljepote Usore kao značajnog turističkog potencijala..
- u neposrednoj blizini rijeke Usore, unazad šest godina USR „Blinker“ na izgrađenom vještačkom jezeru Mrkotić, organizuje takmičenja u ribolovu i pripremanju ribljeg paprikaša uz učešće ekipa sa područja BiH.
- značajan turističko-rekreacioni potencijal je jezero „Jelen“ u Jelah Polju koje je u privatnom vlasništvu, a budući vlasnik planira izgradnjom restorana i drugih pratećih sadržaja upotpuniti turističku ponudu.
- u privatnom vlasništvu je i **šest smještajnih kapaciteta** (hotel „AA“, hotel „Villa“, motel „Mračaj“, motel „Plavi“, motel „Kod Meše“, motel „Jelić“) **sa ukupno 171 ležaj**, a u 2013. godini **ostvareno je ukupno 2062 noćenja** od ukupno 1804 turista.
- na području naše općine su registrovane putničke agencije-organizatori putovanja „Kantić Touristik“ d.o.o. i „Kantić Line“ d.o.o

Turisti i posjetoci u Tešnju mogu posjetiti kulturno-historijske objekte: Gradina, džamija Ferhadija i Gazi Ferhad-begov mezar, Eminagića konak, Sahat kula, Musalla, Gornja čaršija, Mezar Muse Ćazima Ćatića kao i sportsko-rekreativne objekte: staza zdravlja u Mrkotiću i na Kiseljaku, izletišta Kiseljak i Ćatin greb, jezero Jelen, Ciglansko jezero, jezero Mrkotić, izletišta pore Usore u Kraševu i dr.

Treba istaći i značajan broj manifestacija koje se realizuju u toku godine: Tešanjско proljeće, Ljeto u Tešnju, Dani grada Tešnja, u okviru kojih se organizuju razne druge manifestacije (promocije knjiga, izložbe, javne tribine, koncerti, smotre folkolora i dr.), vjerske (u susret Ramazanu, promocije knjiga, veče Ilahija i dr.), manifestacije posvećene odbrambeno-oslobodilačkom ratu 92-95 godina (Dan otpora fašizmu, Dan oslobođenja općine od fašizma, Dan državnosti i dr.), sportske (razna sportska takmičenja i dr.) te sajam privrede, sajam pčelara i druge manifestacije.

Općinsko vijeće je 2009.godine osnovalo Javnu ustanovu Muzej Tešanj. Svoju djelatnost Muzej obavlja u tri dependansa: Stari grad-Gradina, Eminagića konak i nekropola stećaka na Vukovu. Muzej relizacijom izložbi i privremenih postavki vrši prezentaciju i promociju kulturno-historijskog naslijeđa tešanskog kraja. Prema broju prodatih ulaznica, **na Gradini je u 2013 godini bilo 9.984 posjeta, a u Eminagića konaku 2.554**. Zbog vremenskih nepogoda **u 2014. godini** je znatno smanjen broj posjeta i **evidentirano je 5.128 posjeta Gradini i 1.686 posjeta Eminagića konaku**. Za posjetice su obezbjeđene i Knjige utisaka u kojima su upisani pozitivni utisci o posjećenim objektima, a jedina primjedba ili prijedlog navodi se nedostatak ugostiteljskog objekta na Gradini.

Informacijom je obuhvaćen razvoj značajnijih turističkih potencijala na području općine Tešanj, ali je uz razvoj kulturnih i prirodnih potencijala potrebna i razvijena turistička infrastruktura. Naime veliki problem predstavlja nedostatak odgovarajućeg smještajnog

kapaciteta sa pratećim sadržajima, ugostiteljskih objekata sa tradicionalnom kuhinjom i za veći broj gostiju, objekata za rekreaciju turista, i drugo.

Aktivnosti na promociji turizma i turističkih potencijala realizuju Turistička zajednica Zeničko-Dobojskog kantona i Turistički ured Tešanj. Promocija se vrši putem web stranice turističke zajednice gdje se kroz prezentaciju Kantona promovira i turistički potencijali Tešnja, zatim izradom DVD-ova, kataloga, flajera sa turističkim motivima i mapom grada Tešnja, putem sajмова u zemlji i inostranstvu kao i TV reportaža. Potencijalni posjetioци od uposlenika ureda dobijaju sve potrebne informacije vezano za boravak u Tešnju (objekti koje mogu posjetiti, cjenovnik usluga, usluge turističkog vodiča i dr.). U 2010. godini Turistička zajednica Zeničko-Dobojskog kantona realizovala je projekat vertikalne urbane turističke signalizacije.

Sa nivoa općine aktivnosti koje bi trebalo poduzeti u daljem razvoju turizma i iskorištenja turističkih potencijala su:

| | Aktivnost | Vrijeme/okolnosti/očekivanja |
|----|--|---|
| A. | Nova faza na uređenju prilaza Starom gradu | Sredstva obezbijeđena, projekat pripremljen, radovi se očekuju tokom 2015. godine |
| B. | Uređenje tržnice-pijace /natkrivanje pijace/ | Projektovanje u toku, procjena vremena realizacije nakon završetka projektovanja zbog visine potrebnih sredstava |
| C. | Uređenje Titove ulice | Dio projektne dokumentacije postoji. Za 2015 godinu su planirane konkretne pripreme aktivnosti (usaglašavanje instalacija...), a prije same realizacije je potrebno obnoviti i kanizacionu mrežu, što je povezano sa projektom Kanalizacije - WATSAN |
| D. | Smještajni kapaciteti u Tešnju | Realizovana je prva faza gradnje hotela u Tešnju, druga faza je isprojektovana. Postoje različita viđenja investitora i lokalne zajednice spram načina finansiranja uređenja parking prostora i kasnijim upravljanjem i prihodima sa samog parkinga. |
| E. | Novi javni poziv za potencijalne investitore Kiseljak | Nakon sanacije regionalnog puta i pojačanja električne energije nastale su nove pretpostavke za traženje investitora, pa je u okviru realizacije Strategije 2018 za tekuću godinu planirana realizacija novog javnog poziva i pripreme konkretnih mjera |
| F. | Novi objekat biblioteke povezan sa Musalom (kao objektom) i mezarom Muse Ćazima Ćatića | Zaokružuje jednu cjelinu kao turistički paket. Projekat koji će biti realiziran u prvoj polovini godine. |
| G. | Autobuska stanica | Obavljeni razgovori sa vlasnikom stanice – Centrotrans Sarajevo, prije više od pola godine. Najavljeni novi razgovori o statusu stanice i potrebnim ulaganjima. |
| H. | Parking površine | Donesena nova odluka o saobraćaju. Uskoro će biti objavljen javni poziv za upravljanje parkinzima, kojim će biti definisana i očekivanja |

| | | |
|----|---|---|
| | | u pogledu investiranja i sl. |
| I. | Kroz različite marketinške aktivnosti i konkretne sadržaje promovirati i druge lokacije za turističke posjete | Staza zdravlja, Jezero Mrkotić, ... |
| J. | Privlačenje turista | U namjeri smo inicirati razgovore sa opštinom Teslić i Kardijalom o uvođenju ljetne autobuske linije, kojom bi naši sugrađani lakše putovali do Banja Vrućice, a njihovi turisti lakše dolazili u Tešanj. |
| K. | | |

Turistička zajednica Zeničko-Dobojskog kantona je dostavila informaciju o radu Turističkog ureda Tešanj.

PRILOG: Informacija o radu Turističkog ureda u Tešnju

OBRADIVAČ

Služba za finansije, privredu,
komunalne i inspeksijske poslove
Hamzalija Hojkurić dipl.ecc

OPĆINSKI NAČELNIK

Mr. Sc. Suad Huskić, profesor